

Žosna i Hercegovina

Federacija BiH

Kanton Sarajevo

Skupština Kantona Sarajevo

19.radna siednica

ZASTUPNIČKA INICIJATIVA

n/p predsjedavajuće, prof. Ana Babić

Prije nekoliko dana sam dobila peticiju djece koja iskazuju svoje nezadovoljstvo formalnim okvirom vezanim za organizaciju ekskurzija u kojima su onemogućena njihova osnovna prava da sami biraju mjesta u kojima žele provesti taj vrlo kratki period koji svima njima, kao uostalom i nama, predstavlja većinom pozitivno iskustvo u životu

Nije mi jasno opredjeljenje bilo koga, a posebno vlasti, da se pored toliko problema koje imamo u društvu opredijele da kreiraju okvir u kojem su po vrlo čudnim kriterijima definisali poželjne sredine za ekskurzijske posjete djacima..

Nevjerovatno zvuči, ali je bojim se istina kako su se u okviru ministarstva neki odvažili da poželjne teritorije definišu ne samo isključivanjem susjednih država kao opcije, nego su otišli i korak dalje pa su i RS proglasili područjem koje naša djeca treba da izbjegavaju..

Moram jasno istaći da se ovdje radi o nečemu što je apsolutno neprihvatljivo da se reguliše administrativnim aktima vlasti, jer se radi o aktivnostima koje su vannastavne, i na kraju plaćene od strane roditelja, te stoga trebaju biti planirane, organizovane i dogovorene na nivou saradnje roditelja, djece i nastavnog osoblja škole, bez bilo kakvog formalnog uticaja vlasti.

Ne želim da vjerujem kako je ova namjera reduciranja slobode izbora i odlučivanja, u stvari, sistemska mjera kojom se želi postići neki ideološki ciljevi pod plaštom potrebe da se djeca upoznaju sa vlastitom zemljom i turističkim atrakcijama..

Pozivam Ministarstvo da u okviru svojih akata kojim je regulisana navedena oblast izbaci diskriminatorne odredbe, koje su apsolutno nepotrebne, jer iste ne doprinose namjeri da podstaknu ljubav prema domovini, nego isključivo stvaraju dodatni nepotrebni animozitet kod djece..

Na kraju, posvećenost, patriotizam i ljubav prema domovini nisu stvari koje se administrativno osiguravaju aktima oko ekskurzije, one su dio nase zajedničke obrazovne i odgojne misije u kojoj je prije svega preduslov vjerovanje roditeljima da oni žele najbolje svojoj djeci..

Sarajevo, 10.04.2017.

Segmedina Srna Bajramović

du...
